

փող, 1000 ոչխար, եզ, կով, պղինձ, ցորեն, գարի, ալիւր և այլ իրեր: Այնուհետև գալիս է իր խմբով Ալէքսի Մանուկեան հայ աւագակապետը և լրացնում Բեգախանի պահաս թողածը: Ապա 1917 թւի Օգոստոսին Մամ-Թաղին իր զինւած խմբով մտնում է գիւղ և բռնի առնում 300 թուճան փող, ցորեն, գարի, ոչխար, գառ, իւղ, պանիր և ապա մըտնում է Քրդեր:

Այդ հարստահարութիւնների հետևանքն այն է լինում, որ նրանցից 100 հոգի թողնում են իրենց տուն ու տեղը և գողթում դէպի Նոր—Ջուղա, Նասէրի, Նամակերտ և վերջապէս բոլոր այն վայրերը, ուր կարող են ազատ ապրել, իսկ 100 հոգի էլ սովամահ են լինում:

Մտնում են գիւղ և ահա քո վտայ խոր տպաւորութիւն է գործում գիւղացիների վիճակը: Ահա հարկերի տակ Գուտեսնում են մարդիկ, որանք քաղցից դեղնել, նիհարել և կմախք են դարձել:

Այդտեղ են ականատես եղայ բազմաթիւ սրտաճմլիկ տեսարանների և պատկերների, որանք տխուր յիշատակ թողին սրտիս մէջ և յաւիտենական չափտի ջոջւեն իմ լիշողութիւնից: Ահա մի քանիսը այդ պատկերներից.

—Անշուք մի յարկի տակ հանդիպեցի 18 տարեկան մի բարձրահասակ, ղեղեղիկ հայ օրիորդի. նրա դէմքը նիհար էր և գունատ, թափածը արտափայլում էր նրա սևորակ աչքերի մէջ: Նա յենւած էր երկու փայտե դաւազանի և անբայով քայլում էր.

—Հիւանդ ես, հարցրի օրիորդին:

—Ո՛հ, եղբայր, քաղցած եմ, պատասխանեց նա տխուր ձայնով:

—Ահա մի այլ բնտանիք. փոքրիկ սննևակի լուսամուտի առաջ նստած էր միջին տարիքով մի կին, հիւժւած ու մաշւած. նրա կողքին, ցնցոտիների մէջ համարեա մերկ, հիւանդ պատկած էր մի երիտասարդ գեղջիուհի, նա վերջին կտիւն էր մղում մահւան դէմ. իսկ նրա չորս փոքրիկ երեխաները շրջապատած խրոնց մօր աղիտըրմ լաղում էին քաղցից:

—Ահա մի այլ յուզիչ տեսարան. մի մայր պատկած էր չոր գետնին՝ երեք փոքրիկ երեխաներով ընտանիքի հայրը նոր էր մտնել՝ պատան չկար, որ թաղէին. նրա կինը դառն հեծկլտում էր, իսկ